

(13 APRIL 2023, HARIAN METRO, PG 43)

Qasidah atas bas keliling ibu kota

Oleh Nurul Sabrina Jamali
rencana@hmetro.com.my

Mengalunkan irama qasidah dan barzanji di atas bas antara usaha kumpulan Firqah Shoutul Hasanah mendekati khalayak di jalanan sambil menunggu waktu untuk berbuka puasa.

Program Qasidah Di Bulan Ramadan itu adalah hasil kerjasama Kuala Lumpur Hop-On Hop-Off (KL HOHO) dengan Warung Dollah Pindah yang dijalankan pada setiap tahun.

Penganjur Majlis Qasidah Di Bulan Ramadan bersama KL HOHO, Syed Mohsin Syed Mohamed Almashoor berkata, aktiviti kali ini adalah unik dan berbeza. "Tahun ini qasidah



FOTO IHHAN KUMPULAN FIROAH SHOUTUL HASANAH

dialunkan di atas bas KL HOHO untuk tujuan membawa qasidah kepada orang ramai sambil menunggu berbuka puasa.

"Seramai 30 orang peserta kumpulan itu mengalunkan qasidah dan berzanji dengan merdu sehingga memukau pendengar di tengah bandar raya Kuala Lumpur, baru-baru ini," katanya.

Antara aktiviti lain yang dijalankan termasuk menyajikan hidangan berbuka puasa dan memberikan sumbangan kepada anak-anak yatim.

Alunan qasidah bermula dari Jalan Pandan Indah hingga ke Dataran Merdeka dan mengelilingi kawasan sekitar Kuala Lumpur hingga ke Menara Kuala Lumpur.